



- Setzt iech elo a Gruppe vu véier zesummen an eegent iech an enger Diskussioun op dräi Theemen, déi iech alleguerte wichteg sinn.
- All Grupp stellt hir Prioritéite vir an erkläärt d'Grënn vun hirer Prioritéitesetzung.
- Vergläicht: Wat fir eng Gruppe vertrieden op d'mannst eng änlech Positioun a kéinte sech zu enger gréisserer Grupp/Partei zesummeschléissen?
- Wéi schwéier war et fir iech, individuell a gemeinsam Prioritéite festzeleeën?
- Wéi äussere sech déi eenzel Lëtzebuerger Parteien zu ären dräi Prioritéiten? Recherchéiert an ären Interessegruppen op de verschiddene Kommunikatiounskanäl vun de Parteien: Parteiprogramm, Internetsäit, Videoen, sozial Medien. Haalt d'Resultater op engem Poster oder online op enger App fest (z. B. mat padlet).
- D'Interessegruppen deelen d'Resultat mat der Klass.
- Stellt e Meenungsbild vun ärer Klass mat engem Ëmfroentool zesummen.  
Wat fir eng Partei géing an ärer Klass déi meescht Stëmme zesummekréien?

An enger Demokratie spille Parteien eng zentral Roll, déi rechtlech unerkannt an ofgeséichert ass.

## R1

### Art. 1er.

Aux fins de l'application de la présente loi, on entend par

- « parti politique », l'association de personnes physiques, dotée ou non de la personnalité juridique, qui concourt, dans le respect des principes fondamentaux de la démocratie, à l'expression du suffrage universel et de la volonté populaire de la manière définie dans ses statuts ou son programme;
- « composantes d'un parti politique », toute entité nationale, régionale, locale ou sectorielle d'un parti politique ainsi que tout organisme contribuant à l'action de celui-ci par des activités de formation, d'études et de recherche ou de gestion du patrimoine, quelle qu'en soit la forme juridique.

Loi du 21 décembre 2007 portant réglementation du financement des partis politiques.

- Schafft mat der Ressource R1. Wat ass ärer Meenung no den Ënnerscheed tëschent enger Partei, enger Biergerinitiativ an enger ONG? Sammelt Beispiller a stellt eng Tabell mat Eegenschaften zesummen.



# Walcheck

## 1. Déi 5 Walgrondsätz

Setz d'Grondsätz bei déi richteg Stickeren.

fräi •

obligatoresch •

allgemeng •

representativ •

geheim •

- Tëschent dem 18. an dem 75. Liewensjoer muss een eng Begrënnung uginn, wann een net un de Walen deelhält. D'Bréifwal ass eng Optioun, déi fir jidderee méiglech ass – ouni datt een e Grond muss uginn.
- Et duerf keen Drock op d'Wieler oder Wielerinnen ausgeübt ginn.
- D'Lëtzebuerger a Lëtzebuergerinne wielen d'Deputéiert, déi d'Vollek representéieren a politesch Decisiounen treffen.
- All d'Bierger a Biergerinnen duerfe wielen, wa se déi allgemeng Voraussetzungen dofir erfëllen.
- De Wieler oder d'Wielerin wielt anonym an enger Eenzelkabinn.

## 2. Duerf ech scho wielen?

Du muss dräi Konditiounen erfëllen, fir dat aktiivt Walrecht ze besëtzen, dat heescht, fir duerfen ze wielen. Wann s du alleguerten déi véier Konditiounen erfëlls, besëtzt du och dat passivt Walrecht. Du kanns dech wiele loossen.

Konditioun	aktiv	ECH	passiv	ECH
Lëtzebuerger Nationalitéit	obligatoresch		obligatoresch	
Den Dag vun de Walen 18 Joer al sinn	obligatoresch		obligatoresch	
Déi zivil a politesch Rechter besëtzen*	obligatoresch		obligatoresch	
Wunnsätz zu Lëtzebuerg	/		obligatoresch	

\* Am Code pénal (Art. 7) ass d'„interdiction de certains droits civils et politiques“ virgesinn, z. B. bei Walbedruch (Art. 139).

## 3. De Walsystem

1. Deputéiert
2. Lëschten
3. Chamberwalen
4. aktiven
5. allgemengt Walrecht
6. passiven
7. Net-Lëtzebuerger /  
Net-Lëtzebuergerinnen
8. Wieler\*in
9. Walbezierker
10. representéiert
11. Zentrum
12. net iwwerschreiden
13. Kräizercher
14. schwäerzen
15. Stëmmen

Zënter 1919 gëllt dat \_\_\_\_\_. Et gëtt tëschent dem \_\_\_\_\_ Walrecht an dem \_\_\_\_\_ Walrecht ënnerscheet. Deen éischte Prinzip leet fest, wie sech duerf wiele loossen an deem zweete reegelt, wien anerer ka wielen. \_\_\_\_\_ duerfen net un de Chamberwalen deelhuele. Déi fannen all fënnf Joer statt. Et gi 60 \_\_\_\_\_ gewielt, déi aus de véier \_\_\_\_\_, Süden, \_\_\_\_\_, Norden an Osten, kommen. Dës Andeelung mécht, datt all d'Géigende vum Land an der Chamber \_\_\_\_\_ ginn.

Virun de Wale stelle Parteien oder Gruppéierung \_\_\_\_\_ mat Kandidaten a Kandidatinnen op. Hir Unzuel duerf d'Zuel vun den Deputéiert, déi an engem Bezierk gewielt musse ginn, \_\_\_\_\_.

All \_\_\_\_\_ huet esou vill Stëmmen ze verginn, wéi Deputéiert a sengem/hirem Bezierk virgesi sinn. Et kann ee seng Stëmmen enger eenzeger Partei ginn. Dofir muss een de Krees iwwe der Lëscht \_\_\_\_\_. Et kann een och panaschéieren, also seng \_\_\_\_\_ op verschidde Lëschte maachen a kumuléieren, andeems een engem Kandidat oder enger Kandidatin maximal zwou \_\_\_\_\_ gëtt.



Online-Version vun der Aufgab:  
<https://learningapps.org/watch?v=p9yx71tz123>

# Wat mécht d'Chamber?

60 Deputéiert. Dat si Politiker\*innen, déi bei de Chamberwale gewielt gi sinn an déi de Wieler a Wielerinnen hir Interesse verriede sollen. D'Chamber befënnt sech an engem historesche Gebai (1) um Krautmaart, direkt niewent dem Grand-Duc sengem Palais an der Stad.

D'Deputéiert hu ganz wichteg Aufgaben. Se kontrolléieren d'Regierung a bestëmmen, wéi vill Suen déi duerf ausginn. Ausserdeem entscheede se iwwer nei Gesetzer, déi dann am ganze Land gëllen. Dat leeft folgendermoossen of:

All d'Deputéiert kënnen Virschléi fir nei Gesetzer maachen. Meeschtens kommen d'Virschléi fir en neit Gesetz awer vun der Regierung, also vum Premierminister oder vun der Premierministerin bzw. vun engem Minister oder enger Ministerin. D'Deputéiert diskutéieren dann an de sougenannte Kommissiounen (2), also an engem méi klengen Krees vu meeschtens 13 Deputéiert, iwwer e bestëmmt Gesetz, z. B. bis zu wat fir engem Liewensjoer Jugendlecher an d'Schoul mussen goen. Se lauschtere sech dofir meeschtens d'Meenung vun Experten oder Expertinnen un a kënnen Ännerunge fir dat Gesetz vorschloen. An deem Gesetz heescht et dann: D'Schouflicht gëllt bis dat 18. Liewensjoer. Am Pleniëressall (3)

duerfen dann all d'Deputéiert esouwéi d'Membere vun der Regierung un d'Riednerpult (4), fir hir Meenung zum Gesetzesvorschlag ofzeginn oder Stellung ze bezéien. Dono gëtt driwwer ofgestëmmt. Wann d'Majoritéit fir de Vorschlag stëmmt, dann ënnerschreien den zoustännege Minister oder déi zoustännege Ministerin an de Grand-Duc d'Gesetz. Mat der Verëffentlechung trëtt d'Gesetz a Kraaft, dat heescht, et gëtt gëlteg. Elo muss jiddweree sech drun halen.

Fir datt d'Bierger a Biergerinnen och matkréien, wat hir Deputéiert esou maachen, sinn d'Sitzungen ëffentlech. All d'Biergerinnen a Bierger esouwéi de Radio, d'Tëlee an déi geschriwwen Press hunn Zougang zu de Pleniërsitzungen. Journalisten a Journalistinne verfüge fir hir Reportagen iwwer eege Bürouen am Chambersgebai. En eegene parlamentaresche Sender (Chamber TV) (5) bericht iwwer d'Sitzungen an d'Debatten an der Chamber. D'Compte-rendue kënnen op [www.chd.lu](http://www.chd.lu) consultéiert ginn.

Wie Loscht huet, den Deputéiert bei hirer Aarbecht nozekucken, kann dat maachen. An der Chamber ginn et extra Plaze fir Visiteuren. Se duerfen d'Sitzung awer net stéieren an och net d'Wuert ergräifen



<https://www.edlink.lu/931h>



- Setz d'Gebai an d'Deeler vun de Gebai, déi am Text genannt ginn (1-5), bei déi richteg Biller.
- Notéier kuerz ënner d'Fotoen, wat do passéiert. Du kanns den Text zur Hëllef huelen.
- Informéier dech op der Internetsäit vun der Chamber ([www.chd.lu](http://www.chd.lu)) iwwer aktuell Gesetzesprojeten a bericht virun der Klass driwwer.





© Chambre des Députés



Online-Versioun vun der Aufgab:  
<https://learningapps.org/watch?v=pdn8gi62c23>



---

---

---

---

---



© Chambre des Députés



---

---

---




© Chambre des Députés



---

---

---



© Chambre des Députés



---

---

---

---



---

---


---



© Chambre des Députés

# Elections législatives du 8 octobre 2023

# Chamberwale vum 8. Oktober 2023



Election de 9 députés / circonscription électorale Nord

Wal vun 9 Deputéiert / Walbezirk Norden

1

Partei fir de Fortschrétt  
(frz. Parti du Progrès)



Véronique Meiers	
Al Novir	
Michèle Bien	
George Allweil	
Jason Ferreira	
Jul Werne	
Martine Ney	
Lindsay Space	
Josy Lumière	

2

Biergerpartei  
(frz. Parti des citoyens)



Caroline Stadter	
Tarek Al Mansour	
Antoine Molitor	
Elisabeth Origer	
Claude Muller	
Gianni Borghese	
Stefan Boskovic	
Anne Olinger-Da Costa	
Mariette Majerus	

3

Wuelstandspartei  
(Parti du Bien-être)



Ciär Molitor-Zachanassian	
Julie Hermès	
Fabrice de la Fontaine	
Marco Zockerkoup	
Fabio De Cecco	
Wotan Buffet	
Jeff Besos	
Jannot Metz	
Pierrette Dupong	

4

Ëmweltschutzpartei  
(Parti pour la Protection de l'Environnement)



Mary-Lindsay Johannesdottir	
Charel Gringsespoun	
Maryse Da Silva	
Liz Chanteclaire	
Ed Linné	
Freya Darwin	
Zoé Besch	
Georges Bauer	
Pit Campagna	

5

Partei fir den digitalen Zäitalter  
(Parti de l'Ère numérique)



Laika Lavenir	
Guy Sputnik	
Apollo Matos	
Stephan Jobbs	
Guido Fibonacci	
Steve Battin	
Laika Funck	
Hugo Gernsback	
Guillaume Portail	

# Wielen - wéi geet dat? ① De Walziedel



- Et duerf een net méi Stëmme verginn ewéi Sëtzer fir de Walbezirk ze besetze sinn. Dofir soll een zum Schluss einfach nach eng Kéier nozielen. Unzuel vu Stëmmen, déi een an deene véier Walbezirker duerf verginn: Norden 9, Zentrum 21, Süden 23, Osten 7.
- Du duerfs pro Kandidat\* in maximal 2 Stëmme verginn.
- Op dem Stëmmziedel duerfe keng Kennzeechen (Smiley, Numm, asw) stoen, duerch déi een dech kéint erëmmerkennen, soss ass en ongëlteg.

## Bsp. 3: Panaschéieren = mënschen

Eenzel Kandidate a Kandidatinne vu verschidde Lëschten ukräizen. An deem Fall duerf ee maximal 9 Kräizercher maachen.

## Bsp. 2: Kumuléieren = häufen

Eenzel Kandidaten a Kandidatinne zweemol ukräizen. Se kréien doduerch zwou Stëmmen. An deem Fall duerf ee maximal 9 Kräizercher maachen.

## Bsp. 1: Lëschtewal



Case iwwer der Lëscht schwären: All Kandidat\*in vun der Lëscht kritt doduerch eng Stëmm.

# Wielen – wéi geet dat?





## ② Den Dag vun de Walen



Online-Versiou vun der Aufgab:  
<https://learningapps.org/watch?v=pc82iw2ak23>



➤ Setz d'Texter bei déi richteg Piktogrammen.  
 ➤ Bericht iwwer den Oflaf vum Dag vun de Walen. Fänk u mat: „Fir d'éischt sinn ech an de Walbüro gaangen ...“



D'Wale si geheim. Géi dofir an d'Walkabinn, wou s du deng Liblingskandidaten a -kandidatinnen ukräiz.

Du wiels an där Gemeng, an där s du wunns. D'Walbüro befanne sech meeschtens an de Raimlechkeete vun der Grondschoul oder dem lokale Centre culturel.

Du geheis de gefaalte Stëmmziedel an d'Walurn. Elo kanns de just nach op d'Veëffentlechung vun de Walresultater waarden.

Nodeems d'Walbüroen zougemaach hunn, ginn d'Stëmmen ausgezielt an dem zentrale Walbüro d'Resultater matgedeelt.

Du kriss de Stëmmziedel mat de Kandidatinnen a Kandidate vun dengem Walbezierk.

Du presentéiers deng Carte d'identité.



# Wien duerf wielen?

Demokratie bedeit „Herrschaft vum Vollek“. De Begrëff stamt aus dem Algriicheschen a setzt sech zesummen aus dem Wuert „demos“, dat esou vill ewéi „Staatsvollek“ bedeit an dem Wuert „kratos“, dat fir „Muecht“ oder „Herrschaft“ steet. Am anticke Griichenland waren allerdéngs grouss Deeler vun der Bevëlkerung vun de Walen ausgeschloss. Fraen a Kanner, Sklaven a Friemer hate kee Walrecht. Wéi awer gesäit dat haut zu Lëtzebuerg aus? Kuck dir dofir d’Ressourcen R1 bis R4 un.

## R1

### Lëtzebuergesch Verfassung

#### Kapitel IV. – D’Chamber vun den Deputéierten


**Art. 62.** „D’Chamber vertritt d’Land. (...)“

**Art. 63.** (3) „D’Wal ass direkt. D’Deputéiert ginn opgrond vum allgemenge Walrecht, op Lëschten, (...) gewielt.“

**Art. 64.** „(1) Fir wielen ze kënnen, muss ee Lëtzebuerg an uechtzeng Joer al sinn.  
(2) Fir kënnen gewielt ze ginn, muss een ausserdeem säi Wunnsätz am Grand-Duché vu Lëtzebuerg hunn.  
(3) An de Fäll, déi d’Gesetz virgesäit, kënnen d’Gerichter de Verloscht vum aktiven a vum passive Walrecht aussprechen.“

## R2

### Lëtzebuergesch Bevëlkerung (1. Januar 2023)



## R3

### Lëtzebuergesch Wunnbevëlkerung no Alter (1. Januar 2023)

Altersklass	Total	Lëtzebuergesch
0-17 Joer	125.379	67.166
18-75 Joer	495.779	250.674
76-100+ Joer	39.651	29.562

D’Walpflicht besteet tëschent 18 a 75 Joer. Leit iwwer 75 Joer besetzen awer weiderhin d’Walrecht.

Quell: STATEC, 2023

## R4

### Lëtzebuergesch Aarbechtsmaart 2022 (4. Trim.)

Total	478.845
<b>Wunnbevëlkerung:</b>	254.485
Lëtzebuergesch	124.051
Net-Lëtzebuergesch	130.434
<b>Frontalieren</b>	224.360

Quell: STATEC, 2023

- Wat fir eng Konditiounen muss een erfëllen, fir zu Lëtzebuerg duerfe wielen ze goen? (R1)
- Iwwerlee unhand vun de Ressourcen R2 an R3, wéi vill Persounen zu Lëtzebuerg d’Walrecht besetzen. Wat fir een Undeel mécht dat an der Gesamtbevëlkerung aus?
- Wéi grouss ass den Undeel vun de Lëtzebuergesch Salariéierten a Salariéierten um nationalen Aarbechtsmaart? Wéi grouss ass den Undeel vun den Net-Lëtzebuergesch? Ënnerscheet tëschent Leit, déi all Dag iwwer d’Grenz fueren, an der Wunnbevëlkerung. (R4)
- Diskutéier: Wie Steiere bezuelt, dee soll och duerfe wéi goen. Bezitt iech op d’Ressourcen R2 an R4.
- E groussen Undeel vun der Populatioun zu Lëtzebuerg kann net un de Chamberwalen deelhuefen. Wat fir eng Méiglechkeeten bestinn, fir méi Leit un de Walen ze bedeelegen? Sammelt Pro- a Kontraargumenter zu de jeeeweilege Méiglechkeeten.